

1. Осы Ереже Қазақстан Республикасының 2004 жылғы 24 сәуірдегі Бюджет кодексіне сәйкес әзірленді және есепті кезеңде республикалық бюджеттің атқарылуы туралы есепті жасау және беру тәртібін анықтайды.

2. Түсімдердің және қаржыландырудың жиынтық жоспарының, міндеттемелер бойынша қаржыландырудың жиынтық жоспарының атқарылуы туралы есептердің деректері есепті кезеңде республикалық бюджеттің атқарылуы туралы есепті жасау үшін негіз болып табылады.

3. Республикалық бюджеттің атқарылуы туралы есеп есепті кезеңде жүргізілген республикалық бюджеттің түсімдері және шығыстарын қаржыландыру жөніндегі барлық операцияларды көрсетеді.

4. Республикалық бюджеттің атқарылуы туралы есепті Бюджет кодексіне және осы Ережеде белгіленген талаптарға сәйкес бюджеттің атқарылуы жөніндегі орталық уәкілетті орган жасайды.

5. Есепті кезеңде республикалық бюджеттің атқарылуы туралы есепті қалыптастыру Қазақстан Республикасының Бюджет кодексінде анықталған бюджет құрылымы бойынша кассалық негізде мың теңгемен жүзеге асырылады.

2. Есепті жасау тәртібі

6. Республикалық бюджеттің атқарылуы туралы есептер мерзімділігі бойынша ай сайын және қаржы жылының қорытындысы бойынша жасалады.

7. Республикалық бюджеттің атқарылуы туралы ай сайынғы есеп тиісті қаржы жылына арналған республикалық бюджет туралы заңға және Қазақстан Республикасы Үкіметінің тиісті қаржы жылына арналған республикалық бюджет туралы заңды іске асыру туралы қаулысына сәйкес жасалады және мыналарды:

есепті қаржы жылына арнап бекітілген, нақтыланған, түзетілген республикалық бюджеттің сомасын;

жылдың басынан бастап өсу қорытындысымен есепті кезеңге арналған республикалық бюджеттің түсімдер мен қаржыландырудың жиынтық жоспарының сомасын;

жылдың басынан бастап өсу қорытындысымен есепті кезеңде берілген рұқсаттардың сомасын;

жылдың басынан бастап өсу қорытындысымен есепті кезеңдегі республикалық бюджеттің кассалық атқарылу сомасын;

есепті кезеңдер республикалық бюджеттің кассалық атқарылу сомасының есепті кезеңдегі түсімдер мен қаржыландырудың жиынтық жоспарының сомасына және есепті қаржы жылына арнап атқарылатын (бекітілген, нақтыланған, түзетілген) республикалық бюджеттің сомасына пайыздық қатынасын көрсете отырып, бюджет түсімдері сыныптамасының және Бірыңғай бюджеттік сыныптама бюджет шығыстарының функционалдық, экономикалық сыныптамасының кодтары бойынша қалыптастырылады.

8. Өткен қаржы жылындағы республикалық бюджеттің атқарылуы туралы жылдық

есеп тиісті қаржы жылына арналған республикалық бюджет туралы заңға сәйкес ж а с а л а д ы ж әне м ы н а л а р д ы :

есепті қаржы жылына арнап бекітілген, нақтыланған, түзетілген республикалық б ю д ж е т т і ң с о м а с ы н ;

есепті қаржы жылындағы республикалық бюджеттің кассалық атқарылу сомасын;
есепті қаржы жылындағы республикалық бюджеттің кассалық атқарылу сомасының
есепті қаржы жылында атқарылған (бекітілген, нақтыланған, түзетілген)
республикалық бюджет сомасынан ауытқуын;

есепті қаржы жылындағы республикалық бюджеттің кассалық атқарылу сомасының
есепті қаржы жылында атқарылған (бекітілген, нақтыланған, түзетілген)
республикалық бюджет сомасына пайыздық қатынасын көрсете отырып, бюджет
түсімдері сыныптамасының және Бірыңғай бюджеттік сыныптама бюджет
шығыстарының функционалдық, экономикалық сыныптамасының кодтары бойынша
қ а л ы п т а с т ы р ы л а д ы .

9. Өткен қаржы жылындағы республикалық бюджеттің атқарылуы туралы жылдық
есепке м ы н а л а р қ о с а б е р і л е д і :

1) т ү с і н д і р м е ж а з б а ;

2) түсімдер бойынша атқарылу туралы, сондай-ақ тиімділігін бағалауды қоса
алғанда, республикалық бюджеттік бағдарламаларды іске асыру туралы талдамалық
е с е п .

10. Түсіндірме жазбада іс жүзінде қалыптасқан бағыттарды тиісті жылға арналған
республикалық бюджеттің жобасын әзірлеу кезеңінде негізге алынған орта мерзімді
фискалдық саясаттың және әлеуметтік-экономикалық дамудың орта мерзімді
жоспарының басым бағыттарымен салыстыра отырып, елдегі экономикалық ахуал
және бюджет-салық саясатының негізі бағыттары туралы және тиісті қаржы жылына
арналған республикалық бюджет туралы заң баптарының атқарылуы туралы
т а л д а м а л ы қ а қ п а р а т б е р і л е д і .

Түсіндірме жазбаға, сондай-ақ Қазақстан Республикасы Парламентінің өткен қаржы
жылындағы республикалық бюджеттің атқарылуы туралы есепті бекіту туралы
қаулысында және Республикалық бюджеттің атқарылуын бақылау жөніндегі есеп
комитетінің өткен қаржы жылындағы республикалық бюджеттің атқарылуы туралы
есебінде көрсетілген іс-шараларды іске асыру жөніндегі ақпарат енгізіледі.

11. Республикалық бюджеттің атқарылуы туралы талдамалық есеп бюджеттің
қ ұ р ы л ы м ы б о й ы н ш а ж а с а л а д ы ж әне :
м ы н а л а р д ы :

түсімдер жоспарының атқарылуына әсер еткен негізгі факторларды және іс
жүзіндегі атқарылудың кірістер түсімдерінің жоспарынан ауытқу себептерін баяндай
отырып, салықтық түсімдердің, салықтық емес түсімдердің, негізгі капиталды сатудан
түсетін түсімдердің, ресми трансферттерден түсетін түсімдердің атқарылуын талдауды

қамтитын "Түсімдер" бөлімі бойынша республикалық бюджеттің атқарылуы туралы;

м ы н а л а р д ы :

бюджеттік бағдарламаларды іске асырудың экономикалық тиімділігін;

бюджеттік бағдарламаларды басқару тиімділігін;

бюджеттік бағдарламаларды іске асыру сапасын;

бюджеттік бағдарламалардың нәтижелілігін бағалауды қамтитын "Шығындар" бөлімі бойынша республикалық бюджеттік бағдарламаларды іске асыру туралы;

республикалық бюджеттің атқарылу қорытындылары бойынша қалыптасқан операциялық сальдо сомасын түсіндіретін "Операциялық сальдо" бөлімінің атқарылуы т у р а л ы ;

кредит беруге байланысты республикалық бюджеттік бағдарламалардың тиімділігін бағалауды қамтитын, кредиттерді өтеу жөніндегі түсімдер жоспарын атқарудың негізгі факторларын және олардың іс жүзіндегі түсімдерінің жоспарлы сомадан ауытқу себептерін баяндайтын "Таза бюджеттік кредит беру" бөлімінің атқарылуы туралы;

қаржы активтерін сатып алуға байланысты бюджеттік бағдарламалардың атқарылу нәтижелерін қамтитын, олар бойынша бюджет қаражатының жете игерілмеу себептерін көрсететін, олардың тиімділігін бағалауды, сондай-ақ олардың іс жүзіндегі түсімдерінің жоспарлы сомадан ауытқу себептерін көрсете отырып, мемлекеттің қаржы активтерін сатудан түсетін түсімдер жоспарының атқарылу нәтижелерін қамтитын "Қаржы активтерімен жасалатын операциялар бойынша сальдо" бөлімінің атқарылуы т у р а л ы ;

республикалық бюджеттің атқарылу қорытындылары бойынша тапшылықтың (профициттің) іс жүзінде қалыптасқан сомасын түсіндіретін "Бюджеттің тапшылығы (профициті)" бөлімінің атқарылуы туралы;

қарыз алу және бюджет қаражатының бос қалдықтары есебінен бюджет тапшылығын жабуды іс жүзінде қамтамасыз ету немесе қарыздар бойынша негізгі борышты өтеуге бюджет профицитінің, қарыз қаражатының, бюджет қаражаты бос қалдықтарының жұмсалу нәтижелерін қамтитын "Бюджеттің тапшылығын қаржыландыру (профицитін пайдалану)" бөлімінің атқарылуы туралы талдамалық а қ п а р а т т ы қ а м т и д ы .

Республикалық бюджеттік бағдарламаларды іске асыру туралы талдамалық есеп республикалық бюджеттік бағдарламалар әкімшілерінің бюджеттік бағдарламаларды іске асыру, олардың тиімділігін ішкі бағалау туралы талдамалық есептеріне, кредиторлық және дебиторлық берешектер туралы деректерге және бюджеттің атқарылуы жөніндегі уәкілетті орган сұрататын басқа деректерге негізделеді.

3. Есепті беру тәртібі

12. Бюджеттің атқарылуы жөніндегі орталық уәкілетті орган ай сайын есептіден кейінгі айдың бірі күніндегі жағдай бойынша осы Ереженің 7-тармағында белгіленген талаптарға сәйкес республикалық бюджеттің атқарылуы туралы есепті есептіден кейінгі айдың 20-күнінен кешіктірмей Қазақстан Республикасының Үкіметіне, Республикалық бюджеттің атқарылуын бақылау жөніндегі есеп комитетіне және бюджеттік жоспарлау және ішкі бақылау жөніндегі орталық уәкілетті органдарға береді .

13. Бюджеттің атқарылуы жөніндегі орталық уәкілетті орган есептіден кейінгі айдың 1 сәуірінен кешіктірмей осы Ереженің 8-11-тармақтарында белгіленген талаптарға сәйкес өткен қаржы жылындағы республикалық бюджеттің атқарылуы туралы жылдық есепті Қазақстан Республикасының Үкіметіне, бюджеттік жоспарлау жөніндегі орталық уәкілетті органға және мемлекеттік қаржы бақылау органдарына б е р е д і .

14. Есепті қаржы жылындағы республикалық бюджеттің атқарылуы туралы жылдық есепті қосымшаларымен бірге Қазақстан Республикасының Үкіметі жыл сайын ағымдағы жылғы 1 мамырдан кешіктірмей Қазақстан Республикасының Парламентіне және Республикалық бюджеттің атқарылуын бақылау жөніндегі есеп комитетіне береді.

4. Қорытынды ережелер

15. Осы Ережеде реттелмеген мәселелер Қазақстан Республикасының заңнамасында белгіленген тәртіппен шешіледі.